

關中金石文字存逸考

關中金石文字存逸考總目

卷首

前序 例言 引用金石書目

卷一

西安府上

卷二

西安府下

卷三

長安縣上

卷四

長安縣下

卷五

咸甯縣

卷六

咸陽縣 興平縣 臨潼縣 高陵縣

鄂縣 藍田縣

卷七

涇陽縣 三原縣 藍屋縣 渭南縣

富平縣

卷八

醴泉縣 同官縣 耀州 商州

同州府 大荔縣 潼關廳 郃陽縣

澄城縣 白水縣 華州 華陰縣上

卷九

華陰縣下 蒲城縣 乾州 武功縣

永壽縣 邠州 淳化縣 三水縣

長武縣

卷十

鳳翔府 鳳翔縣 岐山縣 寶雞縣

扶風縣 麟遊縣 汧陽縣 隴州

漢中府

屬

褒城縣

城固縣

鳳

縣

沔縣

略陽縣

延安府

屬

甘泉縣

鄜州

宜君縣

右自西安府長安縣至鄜州宜君縣均隸陝

西省

階州

屬

成縣

秦州

秦安縣

西甯府

屬

碾伯縣

安西州

屬

敦煌縣

鎮西廳

迪化府

屬

迪化縣

右自階州成縣至迪化府迪化縣均隸甘肅

省

附錄古碑八種

卷十一

目錄上

卷十二

目錄下

後序

附石刻書法源流考

關中金石文字存逸考序

三代之文尙已近時所傳鼎彝銘託名商周每多贗作余弗取余取金石文則斷自秦始關中爲秦舊都逮於漢唐名公巨卿頌功誅德誌墓銘幽以及浮圖老子鐫經造像之刻所在多有其文雖不盡雅醇然頗多可采者往往與史事相證明焉顧古物之出顯晦無常或爲庸工所鑿或爲土人所瘞向之箸錄者今已十失其七八而地不愛寶隋唐碑誌時時問出又多前人所未見每遇好事之流購歸藏弄遷徙他鄉使古人之作顯而復晦久而無徵是可慨已余有

鑒於此奮然欲有所作乃網羅放失舊聞博采金石
諸書分別郡縣集爲一編俾存者可知其方隅逸者
仍畱其姓氏雖不免陋略之誚然存什一於千百固
已十得二三焉或可爲闡幽之一助也是役也勦始
於光緒乙亥夏告成於光緒己丑秋凡爲書十卷目
錄二卷無慮二十餘萬言精力所注不忍棄之爰付
剞劂質之當世至於拾遺補闕糾謬訂譌以俟後之
君子光緒十五年歲在己丑中秋揚州甘泉毛鳳枝
子林甫序

例言

是編以存逸爲重故考據未能悉詳而全文不能盡錄所有全文已經前人箸錄者注明見某書中未經前人箸錄者拙作有金石萃編補遺及古誌石華續編二書成書後再行呈教

此編雖不能悉載全文詳加考據惟新出碑誌必錄其節略博采諸書詳加考證俾得確據以爲愉快其殘碑斷碣文字無多者隨筆附入俾閱者一目了然此外文字有可傳誦者時時擇錄全篇以資流覽

歐趙諸書所錄古刻存者少而逸者多故二家金石之目不能悉載惟晦而復顯者必備錄詳考之如永壽縣之劉沔碑咸陽縣之焦贛碑自寶刻類編箸錄後他書未載近乃復顯於世乃知古碑不盡全逸或薶地中或在僻壤不逢其時不遇其人不出也

石刻以摩崖最爲經久石門頌見於水經注爲箸錄最早之碑今在襄城縣完好如新也西狹頌鑿石爲竅刻文字其中故風雨不能剝蝕今在甘肅成縣古人作事較拙而極能耐久正以

拙耳此外豐碑巨碣如曲阜孔廟濟甯州學

之漢碑唐獻陵

在三原縣

昭陵

在醴泉縣

橋陵

在蒲城縣

以及歷代公卿紀功表墓之刻雖文字不必盡

存而原石屹立如故皆以石質堅重故能久存

也經幢易於斷碎多在古寺尙易尋覓惟墓誌

塔銘二種規模既小攜帶較易且其中楷法精

整完好無缺者實令人把翫不置文翫中尤物

也好事之流每將原石購歸藏弄上海徐氏

渭

仁因得隋時董美人墓誌卽以隋軒名其齋其

嗜古成癖與米顛拜石無異惟旣經移徙十餘

年後卽致不可蹤蹟茲編所載墓誌能實指其
處卽云現在某所否則以葬地爲憑如長安龍
首原卽屬之長安萬年鳳棲原卽屬之咸甯
古萬年縣有三一漢縣在櫟陽城中今屬臨潼一後
周置在今長安縣西北十三里漢故長安城中
隋遷新城改萬年曰大興卽今西安府城唐改
大興曰萬年天寶七載改曰咸甯至德三載復
曰萬年卽今其餘以此類推庶數典不忘其祖
之咸甯縣也

也
考證金石雖係識小之學然非史學貫通兼明
說文訓詁遇有事迹同異文字奧衍卽難下筆
而輿地職官姓氏三門尤必詳其沿革知其源

委方能彼此印證歸於至當是編如路詮墓誌
之姓得之新唐書宰相世系表杜君夫人墓誌
篆蓋永康陵之號得之新唐書禮樂志嚴震經
幢之姓得之新舊唐書本傳陳護墓誌上時原
之名得之史記封禪書漢書郊祀志北魏興光
二年華嶽廟碑華嶽志誤爲唐碑余考定爲北
魏碑者實得之魏書外戚閭毗傳而北周豆盧
恩碑全文載庾開府集中金石諸書從未道及
余修是書時於無意中檢得此文爲之一快夫
史籍諸書浩如淵海豈能一一徧查每至窮搜

冥索心如蟬抱枯枝耳無所聞目無所見冥冥

中若有默相之者倘亦所謂思之思之鬼神通

之歟是以考證未明有於族難爲之苦

方虛名
南華真

經旁注云族者牛身筋骨聚結之處考證既明實有躊躇滿志之

樂明知疲精神於無用之地耗心力於堅僻之

鄉不有博奕猶賢乎已世有同好當共知之

近人考定金石多用傳寫之本殊不足據余嘗

以傳寫本與石本相校傳寫本中之誤十有八

九蓋鈔胥之人半多不諳文義兼以魏齊周隋

唐五朝人書別體最多如虞伯施廟堂碑以聳

爲聞隋誌以永爲弄如斯之類不可枚舉又或
石理剝落墨蹟模糊非通曉詞章熟諳典故傳
寫之時遇有疑難之字不知本原無從考證意
爲改補未有不譌舛者也是編專以石刻爲據
傳寫本中有此字石本無之仍從闕疑不敢臆
定惟石刻久逸又無拓本僅據傳寫本錄入者
其文義有疑旣無石本可證祇得悉仍其舊疑
以傳疑也

僕自弱冠後粗通經史數十年來未嘗偶離卷
帙所讀四部書一知半解略有心得者多載此

編每發一議必有據依萬不敢作虛造之說蓋
四易稿而後此書乃成也世有知我者應逢知
已於當時世無知我者請俟賞音於後世

關中金石文字存逸考

引用金石書目

宋

集古錄跋尾十卷

廬陵歐陽修永叔氏著

金石錄三十卷

諸城趙明誠德父氏著

寶刻類編八卷

缺名

明

石墨鐫華二卷附錄一卷

盤屋趙嗣子雨氏著

國朝

金石文字記六卷

崑山顧炎武亭林氏著

大瓢偶筆八卷

山陰楊賓耕夫氏著
康熙四十七年刊

觀妙齋金石文考略十六卷

嘉興李光映子中
氏著
雍正七年

刊

雍州金石記十卷

口口朱楓近漪氏著
乾隆二十四年刊

關中金石記八卷

鎮洋畢沅秋帆氏著
乾隆四十六年刊

潛研堂金石文跋尾二十五卷

嘉定錢大昕竹
汀氏著
乾隆

五十二年刊

秦漢瓦當文字一卷

歙縣程敦彝齋氏著
乾隆五十九年刊

金石萃編一百二十七卷

青浦王昶述庵氏著
嘉慶七年刊

寰宇訪碑錄十二卷

陽湖孫星衍澍如氏
同著
階州邢澍雨氏氏

嘉慶七年刊

古銅爵書屋金石遺文一卷

臨海宋世榮礪山氏著

隋唐石刻拾遺一卷

長沙甯鄉黃木驥虎癡氏著 道光二年刊

古誌石華三十卷

前人著 道光二十年刊

昭陵碑考十二卷

半湖孫三錫桂珊氏著 咸豐八年刊

續寰宇訪碑錄

會稽趙之謙搗叔氏著

十二硯齋金石過眼錄

儀徵汪鋆研山氏著 光緒元年刊

關中金石文字存逸考卷一

揚州甘泉毛鳳枝撰

西安府上

秦

繹山刻石

李斯篆書
二世元年

宋徐鉉重摹本

存

全文備錄

皇帝立國維初在昔嗣世稱王討伐亂逆威動
四極武義直方戎臣奉詔經時不久滅六暴強
廿有六年上薦高廟孝道顯明既獻泰成乃建
專惠親巡遠方登於繹山羣臣從者咸思攸長

追念亂世分土建邦以開爭理功戰日作流血
於野自泰古始世無萬數陀及五帝莫能禁止
迺今皇帝壹家天下兵不復起燭害滅除黔首
康定利澤長久羣臣誦略刻此樂石以著經紀
二世詔與泰山諸碑
同文見史記故不載

今在西安府學碑林案此石久逸此係南唐散
騎常待徐鉉

字鼎臣

重摹本宋淳化四年八月十

五日陝府西諸州水陸計度轉運副使鄭文寶
重刻於長安故都國子學者秦時泰山琅邪之
朶東觀會稽各刻石均載史記秦始皇本紀中

此文未載得此可補其闕又碣石山刻石文史
記所載未全後得錢梅溪源重摹本乃得全文
始知摹刻之功爲不小也又案秦刻石見於史
記者七處今惟琅邪臺題名及二世詔數行在
山東諸城者猶係斯翁的筆餘均失傳矣因論
秦碑故附及之

碑云追念亂世分土建邦以開爭理功戰日作
流血於野自秦古始世無萬數陀及五帝莫能
禁止陳香泉氏亦禮金石遺文錄云陀及五帝

之陀卽他字今案石刻本陀字本作阜旁不能

改作他字且他及五帝其文不詞案古字从它

从也之字可以互通此陀字當作陀字解禹貢

東迤北會於匯孫淵如氏星衍尙書今古文注

疏引馬融注云迤靡也文選司馬相如子虛賦

其南則有平原廣澤登降陲靡司馬彪注曰陲

靡邪靡也李善曰陲音弋爾切漢書司馬相如本傳作陲

靡顏師古注曰陲靡旁邪也陲音弋爾反又子虛賦

云隱嶙鬱嶸登降施靡漢書司馬相如本傳顏

師古注曰施靡猶連延也施音弋爾反又揚雄甘泉

賦封巒石關迤靡乎延屬李善注曰迤靡相連

貌也

通音弋爾切

漢書揚雄本傳作施靡顏師古注

曰施靡相及貌

施音弋爾反

以諸說證之陲字有連

延之義碑云功戰日作自泰古始世無萬數陀

及五帝莫能禁止蓋言自泰古以來分土建邦

諸侯日事功戰

功與攻同

延及五帝而莫能禁止至

始皇帝乃能壹家天下改封建爲郡縣兵不復

起蓋李斯諛頌始皇功德超三皇而邁五帝皆

夸大之詞也史記秦始皇本紀所謂作琅邪臺

立石頌秦德明德義卽此義也又說文辵部迤

衰行也从辵也聲夏書曰東迤北會於匯

迤移爾切

又於部施旆施旗貌齊樂施字子旗知施者旗

也

施式支切

又官部阨小崩也从官也聲

阨文爾切

案迤

施阨三字本異訓迤字訓爲邪行與連延之義

爲近是迤及之迤當以迤爲正字秦碑以阨爲

迤漢書以施爲迤蓋皆同聲假借字也

孟子離婁篇施

施從外來趙氏注云施施猶扁扁焦里堂氏循正義云趙氏以爲施施猶扁扁扁詩小雅巷伯緝緝翩翩釋文云翩翩又作扁扁扁施之義爲衰偏之義亦爲衰扁扁猶偏偏以轉注爲假借也

古迤阨二字皆从也後人乃加尸从奄此又古

今字之異體不同也春秋左氏傳隱公元年傳

云潁考叔純孝也愛其母施及莊公施字亦當

作延字解

孔氏正義云言行孝之至能延及旁人

又子虛賦馳邱

陵司馬彪注云馳延也

馳羊氏切

漢書司馬相如本

傳作馳顏師古注曰馳猶延也一日次第而重

也

馳音弋鼓反

是馳馳二字亦與弛字同義今人所

謂馳封蓋亦取旁延之義也又案說文弛字从

也秦碑从宅蓋𠂔𠂔二篆相似故古書从宅从

也之字每每互易如呼沱亦作呼池之類是也

又楊升庵金石古文陀及五帝作施及五帝

案陀與弛同謂弛字與施字義相假借可也改

石刻陀字爲施則不可也

秦碑多三句爲韻詩周頌載見章以介眉壽永
言保之思皇多祐烈文辟公綏以多福俾緝熙
於純嘏共六句祐嘏二字爲韻禮記月令季春
開府庫出幣帛周天下古音戶勉諸侯聘名士禮
賢者諸上聲共六句下者二字爲韻又仲冬乃命
大酋秬稻必齊麴蘖必時湛熾必絜鄭注湛漬也音子廉
反熾炊也音尺志反水泉必香陶器必良火齊必得兼用
六物大酋監之毋有差貸武共十句絜得貸三
字爲韻是爲秦碑用韻之所本唐元次山山中興
頌三句換韻句句皆叶如噫嘻前朝孽臣姦驕

爲惜爲妖邊將騁兵毒亂國經羣生失甯又由
秦碑中變化而出岑嘉州走馬川行奉送出師
西征一首亦係三句換韻句句皆叶蓋皆仿秦
碑爲之也而其源實出於周頌古人文字皆有
本源不敢以意爲之也昌黎有言文章豈不貴
經訓乃菑畚蓋謂此也又三代秦漢文字無論
何體用韻者居多至唐猶然故能韻調鏗鏘令
人往復不厭可被金石可播管絃其妙處尤在
變化莫測不可端倪又皆出於自然毫無牽強
湊合之迹實非後人所能及也宋以後人作詩

用韻漸失自然不如古人之妙也先有韻而後有詩實始於韓昌黎至宋人而步韻疊韻束縛爲之其法益密而天籟全無矣此碑後刻二世詔書云金石刻辭不稱史記正義云稱尺證反錢氏大昕三史拾遺曰正義音非也稱當讀如字不稱二字連下始皇帝讀爲一句謂諸金石刻但稱皇帝不稱始皇帝則與後嗣所刻無別非所以爲始皇帝功德細譯上下文義自了鳳枝案二世詔書秦時公牘文字語頗不可解得錢公之說其義始明

三國魏

曹真殘碑并碑陰

入分書
無年月

存

全文見十二硯齋金石過眼錄

今在西安府城內書院門拜石齋胡氏帖肆中
石厚尺許兩側刻蟠龍極工緻也真字子丹三
國志魏志有傳

北魏

田僧敬造像記

正書
無年月

存

全文見金石萃編

今在西安府學碑林四面皆刻佛像并造像人

名記刻於碑側

北周

平東將軍右銀青光祿造像題字

正書
無年月

存

全文見金石萃編補遺

今在西安府城內車家巷南口

三聖宮內

呂子玕大令

申

訪得之內有治律常口遂淵名

淵字不諱知爲唐以前物書法似北周人書故

列於此

造像殘字

正書

無年月內有治律都維那典錄典坐等名

未詳所在

隋

信行禪師塔銘

正書
開皇十四年

逸

全文未見

汾陽韓子馥少尉

恩港

碑目云在陝西西安府

案此石今久逸矣

周驃騎將軍雲陽縣開國男翟賓墓誌銘

正書
隋開皇十

五年刻

存

全文見古誌石華謹案誌云厝於雍州始平縣

孝義鄉永豐里

此誌舊爲偃師段襄亭大令

嘉謨

得於武功縣

之南鄉移至武功縣署後移西安今歸渭南趙
乾生詹事元中家藏其篆蓋一石尚在武功縣
署此誌書法適美格局方正隋刻之佳者可寶
也

道民滕欽造天尊像記

正書

開皇十六年四月

未詳所在

全文見金石萃編補遺

此石近出西安題字無多楷法極爲精整今則
未詳所在矣

美人董氏墓誌銘

蜀王楊秀撰正書
開皇十七年十月

存

全文見古誌石華誌云葬於龍首原

此石本出西安境內今歸上海徐氏渭仁家藏

徐氏名其齋曰隋軒卽指此石十二硯齋金石
過眼錄曾記其事今西安帖肆中所行皆重摹
本 誌云美人汴州恤宜人隋書地理志滎陽
郡浚儀縣下注云東魏置梁州陳畱郡後齊廢
開封郡入後周改曰汴州開皇初郡廢大業初
州廢惟恤宜縣名未知所出俟考

真草二體千字文

隋僧智永書
無年月宋薛嗣昌摹刻

存

全文習見不載

今在西安府

文廟中案魏晉以來草書結

一
搆賴此帖得存什一於千百蓋矩準繩一絲不苟俗語云草字無有格神仙認不得是草書不可無法也此帖爲草書正宗學書者當奉爲玉律金科不可忽也

左禦衛府長史宋永貴墓誌銘

正書

大業十二年十一月

存

全文見古誌石華續編

今在西安府學碑林誌略云公諱永貴字道生西河郡人也曾祖丞桑干郡守恆州刺史祖業河州刺史父暉使持節車騎大將軍儀同三司

鄉伯大夫萬年縣開國子公以大業十年從駕
北巡不幸構疾終於樓煩郡春秋五十有四以
大業十二年歲次丙子十一月癸丑朔廿一日
癸酉歸葬於京兆郡長安縣龍首鄉之山子匡
節云云誌中桑乾作桑干大駟作大駟皆別體
字

寶慶寺瓦當

篆書

逸

關中金石記云右瓦當爲長安寶慶寺五字寺
字居中在咸甯華塔寺

華塔寺在寶慶寺東

案此瓦今久

逸矣

唐

孔子廟堂碑

虞世南撰并正書
武德九年十二月

存

全文見金石萃編

今在西安府

文廟中案原石久逸此係宋

時永興軍節度使京兆尹王彥超重刻本山東

城武縣亦有重摹本字畫較瘦碑陰有大興翁

覃溪氏

方綱

題字

臨川李氏重刻唐拓本極

佳案碑中相王旦題銜云檢校安北大都護

錢氏

大昕

舊唐書考異云唐初檢校官乃任職

而表正授之稱故新書宰相世系表開元以前

檢校左右僕射侍中中書令者皆與正官同列
肅代以後檢校但爲虛銜故檢校之三公三師
不入於表鳳枝案檢校亦有稽查之義今有稽
查中書科之銜疑卽檢校之類

隋宏義明公皇甫誕碑

于志甫撰歐陽詢正書
無年月當在貞觀時

存

全文見金石萃編

今在西安府

文廟中案金石萃編云誕爲

安定朝那人隋唐間無朝那之名今案隋書地

理志安定郡屬縣有朝那縣

方輿紀要云朝那
故城在平涼府東

南是萃編考之未詳也又萃編云立効長邱樹

續東郡太尉裂壤於槐里司徒胙土於彤門四語中惟皇甫嵩拜太尉見後漢書餘均不合今考春秋左氏傳文公十一年傳云初宋武公之世鄭瞞伐宋司徒皇父同甫率師禦之彤班御皇父充石公子穀甥爲右司寇牛父駟乘以敗狄於長邱獲長狄緣斯皇父之二子死焉宋公於是以前門賞彤班使食其征謂之彤門此長邱彤門之所本也後漢書皇甫嵩傳進擊東郡黃巾卜已於倉亭生禽卜已又破黃巾張寶於下曲陽斬之封槐里侯拜太尉此東郡槐里之所本

也于仲謐撰文時槐里句係承東郡而言皆皇甫嵩事彤門句係承長邱而言皆司徒皇父事

元和姓纂云皇甫子姓宋戴公之子充石字足皇父子孫以王父字爲氏漢興改父爲甫焉

見古人數典之確結構之妙故表而出之

太倉粟窖碑文

正書

貞觀八年十二月

逸

全文見金石萃編補遺此碑當出西安今久逸矣

濮陽令于孝顯碑

正書

貞觀十四年十一月

存

全文見金石萃編補遺

碑略云君諱孝顯字犀角河陰河南人也曾祖

提魏孝文帝以敕勤地居□□氣接幽都陸梁
狼望之前掘強龍廷之外乃授公節鉞奉使宣
威公喻以存亡示其禍福敕勤犁頽樹□獻馬
稱藩主上嘉使乎之功授以征北將軍隴西太
守自魏歷將終周圖已兆元臣舊佐咸加爵賞
蒙授使持節太傅柱國大將軍封建平郡開國
公從班例也祖瑾周太師三老尚書右僕射柱
國燕國公諡曰文父禮周使持節大候正大將
軍趙州刺史安平郡開國公周武帝親御六軍
問罪東夏以公爲大使總知兵馬節度申公居

鼎口之口齊王處帝弟之親咸皆稟其英謨諮
其進止公牙施十計間出六奇曾未浹辰僞都
平蕩口武平齊之日總集僞官謂高阿那肱曰
平卿國者由此人也君稟川岳之靈膺星辰之
氣角立傑出高翥獨翔開皇十三年起家任右
親衛非其好也俄而文皇晏駕煬帝嗣興公乃
告歸託疾養素邱園不事王侯鑿坏而已逮隋
風已替率土分崩九服移心三靈改卜太上
皇龍躍晉野鳳舉秦川羣雄畢集眾善咸歸遂
仗劔轅門投口獻款蒙補左武侯錄事參軍于

時義甯元年也皇圖倂落 帝典權輿王口充
叛渙洛川竇建德憑浚河朔眷言經畧理資英
傑乃授元帥府冑曹參軍於是破八關堡清城
宮軍太陽門陷陣先登獲勳第一授騎都尉武
德四年授雍州錄事參軍貞觀元年又授朝議
郎行濮州濮陽縣令以貞觀十年四月四日寢
疾卒於濮陽官舍春秋六十四爰以貞觀十四
年歲次庚子十一月壬寅朔十日戌子遷窆於
雍州三原縣洪壽鄉之原夫人平昌縣主 皇
帝堂姑王姬下嫁作嬪君子婉孌馳聲幽閑表

德既而于君長逝守志婦居撫育遺稚皆口禮
度嫡子正則等云云

右唐濮陽令子孝顯碑道光癸未出富平土中
今移西安府學碑林無撰書人姓名其字頗類
虞永興間作隸體唐初諸碑多有此格蓋去漢
未遠分法猶存也碑云曾祖提魏建平公祖瑾
周太師燕國公父禮周安平公考周書提封荏
平伯追贈公爵瑾太師亦贈官碑文追述固應
如是耳

鳳枝案于提之太傅大將軍建平公諸

銜當書追贈碑中作爲補授于體例未

合且敘次冒目亦瑾碑作瑾史作謹當以碑爲

不清詳考見下

是孝顯唐書無傳賴有此碑得以正史之誤金石之有裨於史傳信然道光甲辰長至涿鹿盧

坤跋

此跋刻於碑陰係入分書

此碑今在西安府學碑林本出富平盧厚山中

丞

地

移置碑林作亭覆之得免敲火厲角之厄

誠爲盛舉碑無書人名而字迹精整猶有隋人楷法筆意可寶也碑云孝顯爲河陰河南人考魏收地形志云元象二年置河陰郡領河陰一縣屬洛州而河南縣則屬新安郡如碑云河陰河南人是河南縣曾屬河陰郡地形志及隋唐

二書地理志均未載疑史有缺文也

方輿紀要云漢平陰

縣屬河南郡故城在今河南孟津縣東五里三國魏文帝改曰河陰東魏分置河陰郡於此其後周武帝攻齊拔河陰大城是也肅初郡廢

又案孝顯爲于栗磾

八代孫于瑾之孫魏書北史均言栗磾爲代人

北周書于瑾傳云瑾爲河南洛陽人唐書宰相

世系表云于瑾從西魏孝武帝入關遂爲京兆

長安人而碑則云孝顯爲河陰河南人是可異

也 又案北魏孝文帝時于提使勅勤事

勅勤魏書

作勅勤今從碑改訂見魏書高車傳云高車本赤狄之種

初號爲狄歷北方以爲勅勒諸夏以爲高車丁

零其語畧與匈奴同而時有小異或云其先匈

奴之甥也太和十四年阿伏至羅商車酋長遣商胡

越者至京師以二箭奉貢云蠕蠕一作柔然爲天子

之賊臣諫之不從遂叛來至此而自豎立當爲

天子討除蠕蠕高祖未之信也北魏孝文帝遣

使者于提往觀虛實阿伏至羅與窮奇亦高車酋長

遣使者蒲頡隨于提來朝貢其方物詔員外散

騎侍郎可足渾長生復與于提使高車各賜繡

袴褶一具雜綵百匹其事在北魏孝文帝時于

提奉使敕勤當卽此事蓋碑之敕勤卽北魏書

之敕勒亦卽高車也碑又云于提以奉使之功
授征北將軍隴西太守自魏厯將終周圖已兆
元臣舊佐咸加爵賞蒙授使持節太傅柱國大
將軍封建平郡開國公從班例也云云如碑所
言似生時所授官爵惟北周書云瑾父提隴西
郡守荏平縣伯保定二年以瑾著勳追贈使持
節柱國大將軍太保健平郡公北史亦作追贈
碑中敘述未晰自當從史爲正至碑作太傅傳
作太保則係傳聞異辭也 又案于提官爵附
見北周書于瑾傳于禮官爵附見其兄于寔傳

均與碑合新唐書宰相世系表云于瑾有子九
人禮居第八禮之官爵及孝顯名字表中未載
得此可補其闕焉 又案碑云周武平齊于禮
之功居多故周武謂高阿那肱曰平卿國者由
此人也今考附傳但紀禮之官爵未紀其功是
史中失載也宜補之申公謂李穆時官太保齊
王謂宇文憲周武帝之弟 碑中手字卽互字
四民設阜之設當係殷字之譌 新唐書百官
志吏部司勳郎中掌官吏勳級凡十有二轉五
轉爲騎都尉視正五品吏部郎中掌文官階品

文散階二十九正七品上日朝議郎雍州錄事
參軍四人從九品上上縣令一人從六品上上
中縣令一人正七品上中下縣令一人從七品
上下縣令一人從七品下司封郎中掌會朝賜
予之級親王女爲縣主從二品 碑云孝顯父
禮周時爲大候正候正官名見北周書劉雄傳
太倉和糴米窖磚文 正書
貞觀二十三年十二月 逸
全文未見

咸甯縣志云嘉慶二十二年宜興湯吏目 景濤
得於西安市上唐太倉故物也案此磚今久逸

矣

濟度寺尼法願墓誌銘

正書

龍朔三年八月

逸

全文見古誌石華誌云營空於少陵原之側

黃氏虎癡

本號

曰雍州金石記云此誌近出土

移置西安府學余客西安時訪之無有矣咸甯
縣志云此石本在西安府學今佚 誌中所云
司空宋國公蓋蕭瑀也瑀素佞佛有梁武之遺
風故令其女出家爲尼又有法燈法樂惠源三
尼墓誌皆其家人也 誌云營空於少陵原之
側黃氏虎癡不得其解考李翱文集解惑篇云

王野人卒於浮山之茶園鄉人鑿木爲空盛其尸埋於園中是空亦棺槨之類疑卽今僧家之木龕也

道因法師碑

李儼撰歐陽通正書
龍朔三年十月

存

全文見金石萃編

今在西安府學碑林碑首作佛像其上正書橫刻故大德因法師碑七字字僅寸許碑額上及兩旁又題三菩薩名係小楷書皆通筆也前人均未箸錄焉故表而出之

三藏聖教序記并心經

僧懷仁集晉王羲之行書
咸亨三年十二月

存

全文見隋唐石刻拾遺

今在西安府學碑林雍州金石記云碑首有佛像七皆極精緻世所傳七佛頭也宏福寺僧懷仁集王羲之書太宗序高宗記太宗高宗批答并心經

上元車氏秋齡

持謙

曰碑自第一行晉字斜行

至末行林字有裂文一道蓋向在慈恩寺塔下明嘉靖乙卯地震爲塔頂墜壓所損也相傳紛紜何以顯五字未泐者爲嘉靖以前拓本貞觀廿二年八月三日內字下有出字末二筆者則

宋拓本唐陶山

名仲冕
長沙人

先生曾見之

鳳枝案此碑舊拓本不易得有高陽未斷本拓
工精細卽勝新拓本遠甚矣微言廣被拯介類
於三途被拯含三字俱存爲高陽未斷本被拯
二字剝落僅存含字者係高陽已斷本長契神
情先苞四忍之行神字存一半情字先字俱存
係高陽未斷本神情二字剝落先字僅存一半
者係高陽已斷本注法兩於東垂注字全存者
係高陽未斷本注字半存係高陽已斷本因并
識之以諗同好

黃氏虎癡

本驥

曰此碑爲海內通行之本關中

金石記搜採唐碑至二百七十餘種僅載褚河南所書聖教序三一在同州二在咸甯慈恩寺是刻近在碑林而反遺之韓昌黎所謂倚撫星宿遺羲娥正謂此也歐陽公集古錄失收顏魯公多寶塔碑前人已有譏之者可見編輯雖繁難言不漏是碑明有王覺斯鐸及醴泉苟氏二翻本

國朝又有邵陽棗木本西安滿洲駐防城本

此卽朱敬鑑所

刻本也碑林秦人費甲鑄本皆可亂真 楊氏

係橫幅

耕太實大瓢偶筆碑目所載尙有北京東嶽廟

明黃六治翻刻唐拓本嘉善縣學翻刻本壽光
李氏本經瓦廠本鄭善夫臨本文徵明臨本高
鏡庭翻刻本

鳳枝案右軍書法震鐸古今獨無碑版傳世蘭
亭真本久已失傳宜興周孝侯碑亦係僞作後
人摹刻諸帖未必皆出真迹獨此碑爲唐人所
集字字皆有所本雖鋒穎稍泐而架薙森然規
模畢具無美不備余嘗謂學行書當以此碑爲
鼻祖學草書當以智永千文爲鼻祖焉

孫過庭
書譜有

陳香泉釋文其刻本
尙存晉唐草書筆法

韓寶才墓誌銘

正書

咸亨四年十一月

存

全文見古誌石華誌云殯於京師布政之原小
巖村之左

今在西安府學碑林案此石尺寸甚小字迹亦
頗挺秀原石恐爲人攜去今所存者疑雁本也
俟與方家共證之

秘閣歷生劉守忠墓誌銘

正書

咸亨五年八月

存

全文見古誌石華續編

誌畧云君諱守忠字高節楚國彭城人也曾祖

和秀映嵇林彩韜潘壁祖延隋西平郡化隆縣
令父捧杞王府記室君以咸亨五年七月廿一
日邁疾終於崇仁里第春秋卅卽以其年歲次
甲戌八月壬寅朔十三日庚寅遷窆於高陽原
子元良志誠云云

此石今藏渭南趙乾生詹事

元中

家考通鑑目

錄唐高宗咸亨四年歲次癸酉上元元年歲次
甲戌高宗紀上元元年八月壬辰始改元此誌
刻於改元前三日故仍用咸亨之號又誌云八
月壬寅朔十三日庚寅考通鑑目錄是年七月

爲戊申朔以逐日建辰推之八月當爲戊寅朔
況誌明言十三日庚寅若壬寅朔則十三日當
爲甲寅惟戊寅朔推至十三日正得庚寅耳誌
作壬寅朔確係筆誤又文林郎王君夫人柏氏
墓誌刻於上元元年題爲八月戊寅朔益足證
此誌之誤此誌書法秀勁頗似歐褚惜磨泐矣
若得精拓本則丰神韻致尙可十得八九焉
新唐書百官志龍朔二年改太史局曰秘書閣
局其屬有裝書厯生守忠官秘閣厯生卽其職
也守忠之父捧爲杞王府記室新唐書三宗諸

子傳高宗子澤王上金始王杞誌中所謂杞王
卽上金也

文林郎王君夫人柏氏墓誌銘

正書

上元元年八月

存

全文見古誌石華續編

誌畧云夫人雍州乾封人也曾祖等并抽芒星
緯毓慶雲枝父義通任秦州上邽縣令夫人則
柏明府第三女也以上元元年歲次甲戌八月
戊寅朔廿二日己亥寢疾終於醴泉里第春秋
七十有一卽以其年八月廿九日權殯於長安
城西一十五里高峰原子安仁等云云

此石原刻藏渭南趙乾生詹事

元中

家書法清

婉得歐褚遺意唐之佳刻也又有重摹本則遜
原刻遠甚矣誌云夫人雍州乾封人新唐書地
理志總章元年析長安縣地置乾封縣長安二
年省此誌作於上元元年在總章以後長安之
前故有乾封之號方輿紀要云乾封初析長安
地置乾封縣治懷直坊長安三年復併入焉與
新唐志微異又誌中高烽原之名今長安縣志
未載得此可補其闕 新唐書百官志吏部郎
中掌文散階二十九從九品上日文林郎

大都督王善相夫人祿氏墓誌銘

正書

永隆二年二月存

全文見古誌石華續編

誌畧云夫人以永隆元年十一月廿七日卒於

崇賢之里春秋七十有七卽以永隆二年二月

九日合葬於京城南洪固鄉界韋曲

韋曲在西安府城南

二十里其地有

牛頭寺杜子嗣

此石今藏渭南趙乾生詹事

元中

家祿姓不多

見今秦中猶有此姓 新唐書百官志大都督

府都督一人從二品中都督府都督一人正三

品下都督府都督一人從三品注云都督本稱

總管武德七年改曰都督蓋漢刺史之任總十

州者爲大都督加使持節則爲將

百官志云符寶郎之職凡

命將遣使皆請旌節旌以纁賞節以纁殺

諸將亦通以都督稱夷考

唐制都督之職無事則察吏安民有事則督兵

剿賊蓋兼任文武與府兵之義相表裏焉其後

府兵旣廢建立節度使遂成偏重之勢因釀藩

鎮之禍云

濟度寺比丘尼法樂法師墓誌銘

正書

永隆二年三月存

全文見古誌石華續編

誌畧云法師諱法樂俗姓蕭氏蘭陵人也梁武

皇帝之五代孫高祖昭明皇帝曾祖宣皇帝祖
孝明皇帝父瑒梁新安王隋金紫光祿大夫行
內史侍郎皇朝中書令尙書左右僕射特進太
子太保上柱國宋國公贈司空法師則太保之
長女也以咸亨三年九月十九日遷化於蒲州
相好之伽藍春秋七十有四權殯於河東以永
隆二年歲次辛巳三月庚午朔廿三日辛卯歸
窆於雍州明堂縣義川鄉南原禮也

此石今藏渭南趙乾生簷事

元中

家法師蓋蕭

瑒之女瑒好佛法故其女多出家爲尼法燈誌

中所謂姊弟四人同出三界是也

案瑀女爲尼見於墓誌者

凡三人一爲法樂爲瑀之長女卽此誌一爲法

願瑀之第三女誌見本卷堯朔元年一爲法澄

瑀之第五女又有惠源和上爲瑀子蕭武誌中

之女乃瑀之孫女也二誌均見咸甯縣誌中

所謂昭明皇帝卽昭明太子統宣皇帝蕭詧也

孝明皇帝蕭歸也瑀在梁朝封新安王後厯事

隋唐誌中載瑀官爵多與新唐書本傳合又新

唐書地理志總章元年於萬年縣

唐萬年縣卽今咸甯縣也

析置明堂縣長安二年省方輿紀要云乾封初

於萬年縣分置明堂縣治永樂坊長安三年復

併入焉與新唐志微異 梵語謂佛寺爲伽藍

蒙古語謂城圈爲庫倫庫倫二字卽伽藍二字
之轉音 隋書百官志金紫光祿大夫從二品
內史侍郎正四品新唐書百官志尙書省尙書
令一人正二品左右僕射各一人從二品門下
省侍中二人正二品中書省中書令二人正二
品唐人謂之三省長官唐因隋制以三省之長中書令侍
中尙書令共議國政此宰相職也其後以太宗
嘗爲尙書令臣下避不敢居其職由是僕射爲
尙書省長官與侍中中書令號爲宰相其品位
旣崇不欲輕以授人常以他官居宰相職而假

以他名自太宗時杜淹以吏部尙書

正三品

參議

朝政魏徵以秘書監

從三品

參預朝政其後或曰

參議得失參知政事之類其名非一皆宰相職也貞觀八年僕射李靖以疾辭位詔疾小瘳三兩日一至中書門下平章事而平章事之名蓋起於此其後李勣以太子詹事同中書門下三品謂同侍中中書令也而同三品之名蓋起於此然二名不專用而他官居職者猶假他名如故自高宗以後爲宰相者必加同中書門下三品雖品高者亦然惟三公三師中書令則否其

後改易官名而張文瓘以東臺侍郎同東西臺

三品

百官志龍朔元年改中書省曰西臺二年改門下省曰東臺

同三品入

銜自文瓘始永淳元年以黃門侍郎

唐時門下省亦有黃

門之稱

郭待舉兵部侍郎岑長倩等同中書門下

平章事平章事入銜自待舉等始自是以後終

唐之世不能改

錢竹汀先生廿二史考異云

唐六典侍中中書令並正三品杜氏通典侍中

中書令舊班正三品大歷二年升爲從二品舊

唐書職官志大歷二年十一月升爲正二品新

唐書百官志于侍中中書令但書後定之品而

同中書門下三品之稱遂難通矣

鳳枝

案新唐

書百官志云同中書門下三品謂同侍中中書令也此處如添小注云侍中中書令本正三品則其說自明因此處既未加注而於侍中中書令下但載正二品之階故令人疑惑也得錢先生考異之說同三品之銜始能得其確解又廿二史考異引新唐書百官志云李勣以太子詹事同中書門下三品謂同侍中中書令也而同三品之名蓋起於此竹汀先生曰太子詹事與侍中中書令階皆正三品然惟侍中中書令爲

宰相故云同中書門下三品以別於他三品也大厯以後升侍中中書令爲二品自是無同中書門下三品之稱

鳳枝

案新唐書宰相表自肅

宗至德二載李麟同中書門下三品之後凡屬宰相均稱同中書門下平章事遂無同三品之稱矣新唐書百官志吏部郎中掌文官階品凡文散階二十九正二品曰特進東宮官太子太保一人從一品司勳郎中掌官吏勳級凡十有二轉曰上柱國視正二品司封郎中所掌凡爵九等三曰國公食邑三千戶從一品太尉司

徒司空各一人是爲三公皆正一品

朝請大夫張懿墓誌銘

正書

永淳二年二月

存

全文見古誌石華續編

誌畧云君諱懿字萬壽清河人也父緒隋任汾州戶曹參軍君釋褐授朝請大夫先薨於延康
斯里春秋八十卽以永淳二年癸未二月己未
朔十五日癸酉遷於長安縣龍首鄉之原禮也
此石今藏渭南趙乾生詹事 元中 家案永淳二
年卽宏道元年也考新唐書高宗本紀宏道元
年十二月丁巳方改元此誌作於二月故仍用

永淳之號 新唐書百官志文散階從五品上

日朝請大夫

淨住寺釋迦牟尼文賢劫像并銘

八分書
無年月

存

全文見金石萃編補遺

此石爲河東裴行純造本係千佛像今僅存上方佛像五百尊雕鏤極爲精緻碑陰銘文亦僅存其半分書清婉挺拔有褚河南筆意焉又有朝議字及文林等字當係書撰人名題銜之首今在西安府城內車家巷南口 三聖宮內

後圃中

寶刻類編云此碑爲崔行功撰并書
在京兆案京兆今西安府地也類編所

載係全本焉行功恒州并陞人見新唐書文藝傳藝文志崔行功集六十卷

覺禪師塔銘

正書

無年月

未詳所在

全文見金石萃編補遺

畧云禪師俗姓賀蘭氏河南人也高祖蕃周驃騎大將軍曾祖仁唐朝戶部尙書祖石岐州岐陽令父溫絳州曲沃

以下缺

此石本出西安今未詳所在矣案北史趙才傳附載仁壽大業間有蘭興洛賀蘭蕃俱爲武侯將軍剛嚴正直不畏強禦咸以稱職知名誌云禪師高祖蕃周驃騎大將軍卽北史所謂賀蘭

舊也 此石存字無多書法精整

上騎都尉通直郎行永康令杜君夫人朱氏墓誌銘

正書

無年月

存

全文見古誌石華續編

誌畧云夫人朱氏卽榮之後也父琛才兼文武
位列周行夫人問名納禮適於杜氏之門不謂
藏舟靡固陽劍先沈志負寒霜撫其孤藐每心
歸向所以靜因豈積善之無徵忽遷神於大暮
於是夜臺空掩遊月肆而無歸草露晨晞望雲
衢而不返春秋七十有八嗣子君信泉樹多感

欒棘有傷思咎無由號天叩地卽以其年十一月廿五日葬於龍首原禮也

此石近時出土今藏渭南趙乾生詹事

元中家

題銜爲永康令篆蓋爲永康陵令考新唐書百

官志宗正寺屬官有諸陵臺令建初

宣皇帝諱熙之陵

啟運

光皇帝諱天賜之陵

興甯

景皇帝諱虎之陵

永康

元皇帝諱嗣之陵

陵令各一人從七品下又禮樂志云開元二十

八年制以宣皇帝光皇帝景皇帝元皇帝追尊

號諡有制而陵寢所奉未稱建初啟運陵如興

甯永康陵置官署陵戶蓋興甯永康昭穆較近

故置陵令在先建初啟運昭穆較遠故置陵令
在後然則永康設置陵令實在開元以前而此
誌書法亦似初唐人手筆故列於高宗之末焉
誌云夫人朱氏卽榮之後也榮謂北魏爾朱榮
疑夫人本姓爾朱後乃改姓朱氏也 新唐書
百官志司勳郎中掌官吏勳級凡十有二轉六
轉爲上騎都尉視正五品文散階正六品下曰
通直郎

司府寺東市署令張君夫人田氏墓誌銘

正書
天授二年

六月

存

全文見古誌石華續編

誌畧云曾祖達隋魏州冠陶縣令祖文政唐沛王府大農父什善鄜州三川縣令縣君卽明堂縣人也春秋卅有三以天授二年五月十七日薨於萬年縣平康坊之私第哀子承家悲纏扣地殆莫能興痛貫捫天杖而後起張君遠陋王生近嗤莊氏覩明鏡而傷神對空牀而泣簞以
其年六月三日遷窆於城東龍首原長樂鄉王
柴村南一里云云

此石今藏渭南趙乾生詹事

元中

家誌云夫人

留祖達隋魏州冠陶縣令考隋書地理志魏州

武陽郡統縣十四館陶縣第十一

今仍爲館陶縣屬山東東

昌府冠氏縣第十三

今爲冠縣屬山東東昌府

而無冠陶縣之

名此公或爲冠氏令或爲館陶令或爲冠氏館

陶二縣令均未可知誌中必有一誤也沛王卽

章懷太子賢始王潞後王沛又徙王雍後立爲

太子新唐書百官志親王府官屬大農一人從

八品下掌判國司司府寺卽太府寺

武后光宅元年改太

府寺曰屬官兩京諸市署令一人從六品上

誌稱夫人爲雁門縣君唐志五品母妻爲縣君

此誌題銜張君階爲朝散大夫秩從五品下故其妻得稱縣君也

處士程元景墓誌銘

正書
長壽三年四月

存

全文見古誌石華謹案誌云葬於龍首原

此石今藏渭南趙乾生詹事

元中

家誌中景戊

景午卽丙戌丙午也唐人諱昶字

世祖元皇帝之諱曰昶焉

故丙字亦在應諱之列凡天干丙字皆以景字

代之 此誌書法秀逸

珍州榮德縣丞梁師亮墓誌銘

正書

萬歲通天二年七月

存

全文見金石萃編誌云葬於雍州城南終南山
至相寺榎梓谷信行禪師塔院之東

今在西安府學碑林字迹方整似歐陽率更潛
研堂金石文跋尾云元和郡縣志珍州無榮德
縣之名

鳳枝

案讀史方輿紀要引通典云珍州

治營德縣營榮二字形聲相近誌所謂榮德縣
卽通典之營德縣也得此可補新唐書地理志
及元和郡縣志之闕并可證通典營字之誤焉

方輿紀要云廢珍州城在四川遵義府眞安
州西南四十里唐珍州治此新舊唐書州俱治

夜郎縣通典州治營德縣考唐志不載營德縣

或以廢州卽營德縣地也

鳳枝

案舊唐書五代

時撰新唐書宋時撰通典爲唐時大撰唐人言

唐事見聞較確自以通典爲正賴有通典而營

德縣之名始存又賴有此誌而營德之爲榮德

其誤始辨考古者顧不貴博覽哉

遵義府今改屬貴州省

安州今爲正安州焉

或曰吉甫亦係唐人何以郡縣志

中不載榮德之名余曰杜佑通典乃歷代之典

章吉甫圖志以元和爲限斷蓋元和之時榮德

縣已歸省併故未載也

新唐書百官志京縣

丞二人從七品上畿縣丞一人正八品下上縣丞一人從八品下中縣丞一人從八品下中下縣丞一人正九品上下縣丞一人正九品下

王璿造像記

王無惑正書
長安三年七月

存

全文見金石萃編

今在西安南門內書院門街寶慶寺塔上潛研堂金石文跋尾云王無惑書法在王知敬諸葛思禎之間而評書者不及焉余爲表而出之造像之王璿武后時宰相也新唐書宰相表云長壽元年八月辛巳營繕大匠王璿守夏官尙

書同鳳閣鸞臺平章事九月辛丑流嶺南此記
刻於長安三年題銜爲金紫光祿大夫行殿中
監兼檢校奉宸令琅耶縣開國子王璿是自貶
所召還而復爲此官也璿字希琢見新唐書宰
相世系表 新唐書百官志文官階品正三品
曰金紫光祿大夫殿中省監一人從三品爵九
等八曰開國縣子食邑五百戶正五品上武后
置控鶴監以處張易之等久視元年改爲奉宸
府有奉宸令

高延貴造像記

正書

長安三年七月

存

韋均造像銘

正書

長安三年九月

存

姚元之造像銘

正書

長安三年九月

存

新唐書姚崇傳云崇字元之始名元崇以與突

厥叱刺同名武后時以字行至開元時避帝號

更以今名

李承嗣造像銘

正書

長安三年九月

存

蕭元昶造像銘

正書

長安三年九月

存

全文均見金石萃編

右造像五種均在寶慶寺內大殿兩壁間俗呼

爲華塔寺造像其實塔在寶慶寺中各造像亦

在寶慶寺中而華塔寺則在寶慶寺之東焉

僧德感造像記

正書
長安三年九月

未詳所在

全文見金石萃編

案德感造像雍州關中金石兩記均未載惟金石萃編載之附於華塔諸造像之後并云記刻於龕外兩旁櫺上未詳所在俟再訪之

司稼寺卿楊君夫人杜氏墓誌銘

行書
長安三年十月

存

全文見古誌石華

此石今藏渭南趙乾生詹事

元中

家新唐書百

官志司農寺卿一人從三品

龍朔二年改司農寺曰司稼寺

令史李延祚董口口等造像銘文

范元哲撰正書存
長安四年六月

全文見金石萃編補遺

此石近出西安爲南康謝穉蘭觀察

質卿

收藏

案寶刻類編有司刑寺佛蹟碑銘閣朝隱撰范

元哲書長安二年立在京兆是元哲在當時亦

善書者

宋京兆府郎今
陝西西安府

又案元哲題銜自稱

應制舉人考新唐書選舉志云所謂制舉者天

子自詔四方德行才能文學之士或高蹈幽隱

與其不能自達者下至軍謀將畧翹關拔山絕

藝奇技莫不兼取其爲名目隨其人主臨時所

欲而列爲定科者如賢良方正直言極諫博通
墳典達於教化軍謀宏遠堪任將率詳明政術
可以理人之類其名最著而天子巡狩行幸封
禪太山梁父往往會見行在其所以待之之禮
甚優而宏材偉論非常之人亦時出於其間不
爲無得也元哲所應之科卽制舉科矣文獻通
考選舉考唐開元八年上親策應制舉人於含

元殿

姚元景光宅寺造像銘

正書

長安四年九月

存

全文見金石萃編

今在寶慶寺大殿壁間

光宅寺寶口口口

正書
無年月

存

全文見金石萃編補遺

此石近出寶慶寺塔上首行僅光宅寺寶四字

可辨餘均剝落矣前人未經箸錄故表而出之

寶慶寺造像銘

正書
無年月

存

全文見金石萃編補遺

今在寶慶寺塔上首行有天際二字次行有虹

舒二字石右方之下缺一角造像人名正當缺

處前人亦未箸錄焉

尊勝陀羅尼經幢

正書

年月泐首三面有武后製字餘俱

後時補刻下存戊午歲三月等字未有大順時題字

未詳所在

全文未見

寰宇訪碑錄云在陝西西安府今未詳所在矣

比邱尼法琬碑

僧承遠撰劉欽旦正書景龍三年五月

存

全文見金石萃編

今在西安府學碑林

許公暨夫人華陰郡君楊氏合葬墓誌銘殘石

柳紹先撰

李爲仁正書

景龍三年七月

存

全文見古誌石華續編

誌畧云祖耀隋滕王東閣祭酒父神雅有奇節

居多勝氣

案此乃許公之閼閼也

又云貞觀中制授杭州

錄事叅軍永隆二年制除恒州司馬

案此指許公官秩而

言

又云口口六月七日寤疾卒於私第春秋六

十五夫人華陰郡君楊氏萬歲通天二年正月

五日春秋七十六卒於私第子彥協等思極終

憂情逾口禮以景龍三年七月十九日合葬於

長安縣西龍首原禮也

今在西安府學碑林案此石題銜姓氏已泐文

內敘述家世有讓帝字蓋用許由讓天下事又

云平恩貴戚敞丹第而封侯蓋用漢書外戚傳
許廣漢事因定爲許姓云 誌中寤疾之寤當
係寢字之譌 隋書百官志親王有東西閣祭
酒各一人新唐書百官志上州錄事叅軍一人
從七品上中州錄事叅軍一人正八品上下州
錄事叅軍一人從八品上杭州上州也又志云
上州司馬一人從五品下下州司馬一人從六

品上

四品母妻
爲郡君

景龍觀鐘銘

睿宗御書正書
景雲二年九月

存

全文見金石萃編

書法時兼篆隸

今在西安府城內西大街迎祥觀有重摹本

右衛中郎將兼右金吾將軍同安郡開國公鄭元果

墓誌銘

正書

開元二年十二月

存

全文見古誌石華續編

誌畧云公諱元果榮陽開封人也先祖仕魏爲
東光侯祖德通隋平州刺史父仁泰唐靈州都
督左武衛將軍右武衛大將軍進爵同安郡開
國公卒於涼州都督諡曰襄公起家 文德皇
后挽郎解褐曹王府兵曹趙王府法曹轉幽州
錄事叅軍遷伊州長史代州司馬未逾旬月除

尚乘奉御遷左率府郎將除右衛親府郎將右
衛翊府中郎將仍兼右金吾將軍襲爵同安郡
公以大唐垂拱元年六月十九日卒於位春秋
六十有三夫人河南郡君河南元氏後魏景穆
皇帝第九子南安王楨七代孫右衛將軍壽之
姪右驍衛郎將備之女春秋五十有三以大唐
永淳元年二月十四日寢疾終於京師龍首里
之第以開元二年歲次甲寅十二月廿九日與
公合葬於承平里之原禮也長子同安郡開國
公行閬州晉安縣令口嗣等云云

此石今藏渭南趙乾生詹事

元中

家誌之下方

邊際尙有字迹可辨蓋磨舊石而重刻者唐誌
似此類固甚多也元果之名不見於史傳其父
仁泰之名屢見新唐書高宗本紀及高麗傳中
貞觀二十一年以李勣爲遼東道行軍大總管
右屯衛大將軍鄭仁泰副之顯慶三年鄭仁泰
及悉結拔也固僕骨同羅戰敗之龍朔元年鄭
仁泰爲鐵勒道行軍大總管二年鄭仁泰及鐵
勒戰於天山敗之三年吐蕃攻吐谷渾涼州都
督鄭仁泰爲青海道行軍大總管以救之今誌

中所載仁泰官爵多與史合 新唐書百官志

大都督府都督一人從二品中都督府都督一

人正三品下都督府都督一人從三品

地理志云靈州

大都督府涼州中都督府

十六衛左右武衛將軍各二人從

三品左右武衛大將軍各一人正三品爵九等

四曰開國郡公食邑二千戶正二品王府兵曹

法曹參軍事各一人正八品下上州錄事參軍

一人從七品上中州錄事參軍一人正八品上

下州錄事參軍一人從八品上

地理志云邠州緊州也故作幽

開元十三年以字類幽改

上州長史一人從五品上而伊州

爲下州百官志中下州無長史之職僅置別駕亦從五品上蓋高宗卽位改別駕皆爲長史元果厯官當在高宗時故伊州雖爲下州而有長史之職也又百官志云大都督府司馬二人從四品下中都督府司馬一人正五品下下都督府司馬一人從五品下地理志代州中都督府也又百官志云殿中所屬官尙乘奉御二人正五品下東宮官屬左右半府所屬親府勳府翊府每府左右郎將一人正五品下十六衛所屬右衛親府左右郎將一人正五品上右翊府中

郎將一人正四品下左右金吾將軍各二人從
三品左右驍衛郎將各一人正五品上中縣令
一人正七品上地理志閬州晉安縣中縣也
誌云元果常爲曹王府兵曹趙王府法曹曹王
名明趙王名福均見太宗諸子傳中

淨域寺法藏禪師塔銘

田休光撰正書
開元四年五月

存

全文見金石萃編誌云施身於終南山樛梓谷
尸陀林

今在西安府學碑林書法道美 撰文之田休

光自稱前鄉貢進士新唐書選舉志凡舉選不

由館學者

館謂宏文崇文二館學謂國學及州縣學焉

謂之鄉貢皆

投牒自列於州縣李肇國史補得第謂之前進士此稱前鄉貢進士蓋以鄉貢而得進士第者昌黎三上宰相書自稱前鄉貢進士其時尙未得官也文獻通考選舉考云唐士之及第者未能便解褐入仕尙有試吏部一關韓文公三試於吏部無成則十年猶布衣也案昌黎屢試無成其後仍由量晉辟爲觀察推官得試秘書省校書郎始授幕職貞元十八年始有四門博士之授

新書百官志云四門館博士六人正七品上

官於中朝距公登

第時十一年矣

昌黎年譜云公於貞元八年上進士第

蓋唐之進

士科其取人也甚寬而其入官也甚緩猶得慎簡乃僚之義至宋朝則一登第之後即爲入仕之期選舉之法至是一變矣又案今翰林院之庶吉士與唐人稱前進士之義畧同蓋亦係登第而未得官者惟今之庶吉士散館後無不授職而唐之前進士有出身二十年不獲祿者此古今之異制也因考田休光題銜故附及之

京兆府功曹韋希損墓誌銘

子璞玉撰文正書開元八年正月

存

全文見古誌石華續編

誌畧云君諱希損字又損京兆杜陵人口祖量
魏散騎常侍生高祖瑗隋陽武令瑗生曾祖知
止口口建伯勳領幽州刺史生祖仁儉儉早終
考嗣業皇口口口爲蓬閬之秀君卽秘書公第
二子也享年六十有三開元七年八月九日傾
於新昌里第之中堂子渾金等以開元八年歲
躔庚申正月八日奉神輿權安厝於城東南曲
池里子渾金等云云

此石今藏渭南趙乾生詹事

元中

家案新唐書

宰相世系表希損出小逍遙公房誌云希損高

祖瑗官陽武令表作武陽令自當從誌爲正誌
云希損曾祖知止官幽州刺史表云官庫部郎
中此誌與表異者希損之祖仁儉之名及希損
父嗣業官秘書希損官京兆府功曹表中均未
載得此可補其闕 誌有設熬置銘語案設熬
置銘見周禮春官小祝 新唐書百官志中書
省所屬秘書省監一人從三品少監二人從四
品上丞一人從五品上秘書郎三人從六品上
校書郎二人正九品上京兆府功曹叅軍事二
人正七品下

鎮軍大將軍吳文殘碑

僧大雅集晉王羲之行書

存

全文見金石萃編

今在西安府學碑林俗呼爲半截碑余更其名
曰大雅帖 新唐書百官志武散階四十有五
從二品曰鎮軍大將軍

貝州司功叅軍南陽縣開國男張思道墓誌銘

正書開元

九年十月

存

全文見古誌石華續編

誌畧云君諱思道字勤王京兆涇陽縣人也曾
祖魏驃騎大將軍諡曰恭祖隋胡勝二州刺史

皇朝梁州總管諡曰順父金紫光祿大夫司馭
正卿贈原州都督諡曰安公以如意元年四月
廿八日殞於私第春秋五十有四開元九年十
月遷祔於幽州宜祿縣之西原

此石今藏渭南趙乾生詹事

元中

家誌中書後

作後命作僉春作普克作元播作刵國作因惟

刵字見

康熙字典係播之古文餘則筆畫

奇詭不知所自焉

又說文采部番字下出一象云羽古文番案古字播與番

通故可以刵爲播又丁度洪興祖亦云刵古播字也

隋書地理志有勝

州而無胡州得此可補其闕

新唐書百官志

武德初邊要之地置總管以統軍加號使持節
蓋漢刺史之任有行臺有大行臺其員有尙書
省令一人正二品掌管內兵民總判省事有僕
射二人從二品掌貳令事自左右丞以下諸司
郎中畧如京省七年改總管曰都督總十州者
爲大都督貞觀二年去大字凡都督府有刺史
以下如故然大都督又兼刺史而不檢校州事
其後都督加使持節則爲將諸將猶通以都督
稱惟朔方猶稱大總管 又百官志云吏部郎
中掌文官階品有正有從自正四品以下有上

下爲三十等凡文散階二十九正三品曰金紫

光祿大夫又太僕寺卿一人從三品永徽中太

僕寺曰司馭寺又云中都督府都督一人正三

品地理志云原州中都督府也又云上州司功叅軍事一人

從七品下中州司功叅軍事一人正八品下州下

有司倉司戶司田司司法而無爵九等九曰開國司功地理志云貝州望州也

縣男食邑三百戶從五品上方輿紀要云唐

邠州宜祿縣城在今陝西邠州長武縣東南

御史臺精舍碑

崔湜撰梁昇龜八分書開元十一年

存

全文見金石萃編

御史臺精舍碑陰碑側題名

正書

存

題名姓氏及考證均見金石萃編

今在西安府學碑林題名內有顏真卿楷書三字當係魯公真迹此外題名亦多當時知名士歐陽公集古錄云碑首題名多知名士小字頗佳可愛也北平翁覃溪氏

方綱

帖經舉隅云唐

人小楷莫善於御史臺題名郎官題名

郎官題名見第

二卷大中十二年

余案此二種楷法固佳他如墓誌塔

銘造像經幢唐人小楷之佳者美不勝收也惟在工於鑒擇耳碑陰諸題銜一曰侍御史并

內供奉一曰殿中侍御史并內供奉一曰監察御史并內供奉一曰侍御史兼殿中一曰監察御史一曰知雜侍御史考新唐書百官志御史臺大夫其屬有三一曰臺院侍御史隸焉二曰殿院殿中侍御史隸焉三曰察院監察御史隸焉侍御史六人從六品下久次者一人知雜事謂之雜端卽此碑知雜侍御史是也

注云長安二年置內

供奉殿中侍御史九人從七品下三人內供奉監

察御史十五人正八品下而給事中四人正五品上則隸於門下省不隸御史臺

後人稱給事中爲黃門蓋

唐時門下省亦稱黃門省給事中隸門下省故
給事中亦有黃門之稱今六科給事中列於都
察院副都御史之後各道監察御史之前與唐制異矣
又唐時有左右諫

議大夫各四人正四品下左右補闕各六人從
七品上左右拾遺各六人從八品上皆係諫官
左隸門下省右隸中書省焉

楊將軍新庄像銘

正書

存

統國公楊花臺銘

開元十二年十月
申屠液撰正書

無年月與前碑同篇而分刻之

存

全文見金石萃編

今在西安府城內書院門街寶慶寺大殿壁間
寺內造像極夥書法精整以此刻爲最文亦駢

雅可誦號國公者楊思勳也見新唐書宦者傳
百官志云武散階正二品曰輔國大將軍 又
楊花臺銘題銜云判官亳州臨渙縣尉申屠液
撰潛研堂金石文跋尾云唐志亳州無臨渙縣
亦史之缺余考新唐書地理志宿州臨渙縣下
注云武德四年以臨渙永城山桑蘄置北譙州
貞觀八年增領戰陽十七年州廢以臨渙永城
山桑隸亳州穀陽蘄隸徐州元和後來屬余案
臨渙縣屬亳州在貞觀以後元和之前此銘刻
於開元時其時臨渙正屬亳州也魏齊周郡縣

興廢皆詳隋書地理志注中隋唐郡縣興廢皆
詳新唐書地理志注中二志之注尤爲詳贍也

方輿紀要云唐臨渙縣城在江南鳳陽府宿州
西南九十一里永城縣今屬河南歸德府唐山
桑縣卽今江南鳳陽府壽州蒙城縣唐新縣城
在宿州南三十六里案宿州壽州今屬安徽鳳
陽府蒙城縣今
屬安徽潁州府

內常侍馮鳳翼等造像題名

正書
無年月

存

題名備載

朝請大夫內常侍上柱國馮鳳翼朝散大夫行
內謁者監上柱國莫順之徵事郎守內寺伯借
緋魚袋王忠謹朝散大夫行內謁者監上柱國

杜元璋朝請大夫行太子內坊典內上柱國魏
思泰正議大夫行內給事上柱國口口口中大
夫口口口口上柱國口口口朝

左監門衛大將軍梁義深等造像題名

正書
無年月

存

題名備載

大將軍行左監門衛大將軍上柱國梁義深定
遠將軍守左監門衛將軍借紫金魚袋上柱國
李善才銀青光祿大夫行內侍省內侍上柱國
楊敬法朝散大夫守內常侍上柱國杜懷敬正
議大夫行內給事上柱國張元泰朝散大夫內

給事借紫金魚袋林招隱太中大夫行內給事
上柱國馬元收朝散大夫內給事上柱國蘇仁
義朝議郎守內給事上柱國借緋趙元志

內給事輔阿四等造像題名

正書
無年月

存

題名備載

口口口口內給事口口口口輔阿四口口口
行內常侍上柱國曹思勛朝散大夫內給事上
柱國趙待賓正議大夫行內給事上柱國楊元
方正議大夫行內給事上柱國王思凝朝請大
夫守內侍上柱國焦懷慶

右造像題名共三石均在寶慶寺惟梁義深李善才係宿衛官秩餘均內侍省官也觀三石字迹與楊思勳造像同時故列於思勳造像之後又雍州關中金石兩記及金石萃編僅載梁義深題名一石馮鳳翼輔阿四二石則均未載蓋後出也 新唐書百官志文散階從五品下曰朝散大夫正八品下曰徵事郎正四品上曰正議大夫從四品下曰中大夫從三品曰銀青光祿大夫從四品上曰太中大夫內侍省內常侍六人正五品下內謁者監十人正六品下內寺

伯六人正七品下太子內坊典內後改爲太子

內坊局令二人從五品下

注云初內坊隸東宮開元二十七年隸內

侍省爲局改典內曰令

內給事十人從五品下內侍四人

從四品下武散階正五品上曰定遠將軍十六

衛左右監門衛大將軍各一人正三品左右監

門衛將軍各二人從三品

泗州刺史王同人墓誌銘

趙不爲撰于遵孝正書開元十七年八月存

全文備錄

唐故太中大夫使持節泗州諸軍事泗州刺史

瑯耶王公墓誌銘

并序

朝散大夫行考功員

外郎趙不爲撰

公諱同人太子晉之後因號命族家於河東洪
濶派分邁德惟永漢昌邑王中尉諷諫宏遠謝
歸皋虞因爲瑯耶著姓大勳懋績繼世象賢隨
官徙居今爲京兆人也曾祖續 皇吏部侍
郎贈魏州刺史祖德儉御史中丞歸仁公贈充
州都督實掌天官人倫以敘載司宮正邦憲以
清考璿兵部尙書同中書門下平章事殿中監
贈越衛溫婺等四州刺史榮當八座政在三台
生有大造歿有遺則公卽府君之第二子也包

元和之粹蘊神靈之厚幼不好弄冠有成德口
誦詩書而無擇言心規禮樂而無擇行早辟孝
廉明經高第解褐雍州叅軍以相門侍衛授左
衛司戈遷太常協律郎大理評事克諧六樂詳
練五刑人神以和枉直知措轉太常主簿相王
府記室司農丞漢岐二州司馬贊六農之務貳
方伯之雄九穀成績六條增化奏課連最是儔
厥庸入拜工部員外郎屯田郎中應列宿之精
綰冬卿之務彌綸故事動合時矩朝廷以淮陽
之風去聖已遠渤海之任必並能賢遂輟承明

之奏以康洙泗之俗除使持節泗州諸軍事泗州刺史公化行革物變然一變方將荷天衢之遐舉絕滄溟而勁躍而彼蒼不愁與善無徵以開元十六年七月十三日寢疾終於郡館春秋五十有七人吏哀號痛及隣境豈直輟春罷市而已哉粵明年八月廿六日返葬祔先塋於京南大仵村原禮也公純德孔明靖其耳位不自大其事不自尙其功齋莊以順於中進退必由其政故鄉黨稱其孝也僚友稱其悌也閭閻稱其睦也交遊稱其信也豈非子產之遺愛隨武

之可作者乎有子一曰渙直宏文館皇皇有望
哀哀罔極思誌其美見託爲文感親懿而不忘
陳信詞而無愧銘曰 惟周之裔兮奕葉重光
誕生令德兮恭儉溫良靖其牙位兮能賢孔彰
與善無徵兮哀哉彼蒼佳城不曉兮冥彼南岡
刊石勒銘兮牙後彌昌 朝議郎前行蜀州清
城縣尉燕國公于遵孝書

此石於光緒十年出西安府城南大什村同人
爲宰相王璿之子見新唐書宰相世系表中惟
誌言同人曾祖名續官吏部侍郎贈魏州刺史

表言同人曾祖名續官旗鼓將軍楚州刺史其
名續者則列於別行但云官吏部郎中其吏部
侍郎及贈官表中均未載誌又云同人之祖德
儉官御史中丞歸仁公贈兗州都督表云德儉
字守節御史中丞歸仁縣男而未載贈官表畧
而誌詳也至誌謂同人爲續之曾孫而表謂同
人爲續之曾孫疑表誤也誌中昌邑中尉謂王
吉吉字子陽瑯邪皋虞人漢書有傳 新唐書
百官志左右衛司戈各五人正八品下

註云武
后天授

二年置諸衛司戈
執戟謂之四色官雍州錄事叅軍正七品上諸

曹叅軍正七品下太常寺協律郎正八品上大理評事從八品下太常寺主簿從七品上王府記室叅軍事從六品上司農丞從六品上上州司馬一人從五品下工部員外郎從六品上屯田郎中從五品上上州刺史從三品職同牧尹

地理志云泗州屬河南採訪使上州也

此誌所敘同人遷轉階次

甚爲明晰故詳考之以見唐時官制同人由雍州叅軍授左衛司戈又由漢岐二州司馬拜工部員外郎考叅軍七品司戈八品上州司馬從五品下員外郎正六品上蓋唐人重內輕外中

朝官品秩雖卑而清望則高於外官不論階級之高卑也又百官志云武德元年改太守曰刺史加使持節故唐時刺史多帶使持節云 誌

云同人早辟孝廉明經高第案文獻通考選舉

考云代宗寶應二年楊綰請察秀才孝廉

古制秀才

并重南北朝宋時之制州舉秀才郡舉孝廉皆策試北周宣帝大成年詔州舉高才博學者爲秀才郡舉經明行修者爲孝廉 敕旨每州每歲察孝廉建中

元年六月敕孝廉科宜停似唐時孝廉一科始於中唐之時新唐書選舉志於初唐之時亦未載孝廉科目今湖北襄陽縣有孝廉張慶之墓

誌刻於天授三年此誌刻於開元十七年誌云
同人早辟孝廉明經高第是初盛之時未嘗無
孝廉之科并不始於楊綰之奏請也疑唐時孝
廉一科屢舉屢停選舉志中未能詳載其始末
耳又文獻通考選舉考云唐太宗貞觀十八年
引汴鄆諸州所舉孝廉賜坐於御前上問以皇
王政術及皇太子問以曾參說孝經并不能答
其時所舉孝廉淺陋如此而唐人科目以進士
爲貴雖有孝廉之科亦徒存其名耳 誌云同
人之子渙直宏文館百官志有文學直館皆它

官領之渙所居疑卽此職也唐詩小傳中有王
渙字羣吉登進士第官考功郎中未知卽此王
渙否 又新唐書宰相表長壽元年八月辛巳
營繕大匠王璿守夏官尙書同鳳閣鸞臺平章
事誌作兵部尙書同中書門下平章事蓋不用
武后所易官名而仍從唐制也璿有七子其三
以卦名長曰大有次卽同人次爲旣濟次曰休
明休光休名休言書文之于遵孝題銜爲蜀州
清城縣尉方輿紀要云青城廢縣在四川灌縣
南四十里漢江原縣地蕭齊置齊基縣屬汶山

郡梁因之并置齊基郡後周郡廢改縣曰清城
隋初屬益州大業初屬蜀郡唐仍屬益州垂拱
中改屬蜀州開元十八年又改清城曰青城此
誌書於十七年故仍用清城之號也遵孝爵燕
國公當爲于志甯之後而宰相世系表則未載
焉同人嘗爲相王府記室相王卽睿宗也誌中
靖其耳位耳後彌昌耳卽厥字說文氏部耳木
本也讀若厥卽此耳字但篆體作耳隸變作耳
則小異耳 又百官志云吏部考功員外郎一
人從六品上吏部侍郎二人正四品上御史中

丞三人正四品下兵部尙書一人正三品京縣尉六人從八品下畿縣尉二人正九品下上縣尉二人從九品上中縣尉一人從九品下中下縣尉一人從九品下

地理志青城縣望縣也

朝議郎爲正

六品散階縣尉則九品官國公爲從一品爵蓋唐時制度如此 文獻通考選舉考唐制科名曰神龍二年才膺管樂科趙不爲及第當卽撰此文之趙不爲也

興聖寺主尼法澄塔銘

開元十七年十一月

逸

全文見金石萃編誌云安神於龍首山馬頭空

塔所 嗣彭王志陳爲彭王元則之孫嗣彭王
絢之子開元中爲宗正卿見新唐書高祖諸子
傳中新唐書百官志爵九等二曰嗣王郡王食
邑五千戶從一品宗正寺卿一人從三品

大智禪師碑

嚴挺之撰史惟則八分書
開元二十四年九月

存

全文見金石萃編

今在西安府學碑林

多寶塔銘

正書

開元二十九年閏四月郭楚貞等造

存

全文見金石萃編補遺

今在西安府學碑林

大智禪師碑陰記

陽伯成撰史惟則入分書
開元二十九年五月

存

全文見金石萃編

今在西安府學碑林

心經

草書

無年月舊傳王右軍書王弼洲定爲駙馬都尉
鄭萬鈞書

存

今在西安府學碑林新唐書諸公主列傳代國
公主名華字華婉下嫁鄭萬鈞張說般若心經
贊序稱萬鈞學有傳癖書成草聖揮灑手翰鐫
刻心經云云今蒲城縣橋陵有代國長公主碑
萬鈞撰文其子聰所書也

奉義郎行洪州高安縣令護軍崔府君夫人河南獨

孤氏墓誌銘

子季梁修并正書
天寶二年十一月

存

全文見古誌石華續編

誌畧云夫人河南人也父諱奉先果州長史蜀
國公純粹英靈傳之勝古祖姑三代作配君王
蜀公卽唐初元貞皇后父故梁王信之嫡孫也
夫人先舅諱大方海州刺史夫人受訓貴門口
天盛族前室有女嗣謂繼親鞠育情深若已口
口積口口應遭此鞠凶以天寶二年十月十七
日育背於長安縣嘉會里之私第時年七十嫡

子朝議郎通事舍人內供奉季梁號天叫地罔
極難追日月不居卜其宅兆歲時不便未得遷
耐先塋不謂存者生疑實恐未安泉路今且於
府君塋西北一百五十步得地以十一月二日
庚時權安厝於長安縣義陽鄉義陽原禮也

石左側題字一行云專檢校塋事外孫隴西李
曙

此石今藏渭南趙乾生詹事

元中

家元貞皇后

獨孤信第二女

見元和姓纂

配唐仁公李昉生高祖

於長安武德元年追諡皇考曰元皇帝廟號世

祖妣獨孤氏曰元貞皇后

見新唐書高祖本紀

北史獨孤

信傳信長女周明敬后第四女元貞后

元和姓纂則作

第二女與此微異

第七女隋文獻后隋周及皇家三代

皆爲外戚自古以來未之有也誌所謂祖姑三代作配君王卽本北史三代指周隋唐而言祖姑者三后皆夫人之祖姑也信在北周時封衛國公隋文帝時褒贈趙國公以其子獨孤羅爲嗣襲爵趙國公煬帝時改封蜀國公羅卒子纂嗣奉先爲獨孤信之孫旣襲蜀國公疑卽爲獨孤羅之子而北史云羅卒子纂嗣旣未書奉先

之名新唐書外戚獨孤懷恩傳亦未載奉先之名疑史有缺文也又獨孤信在北周時本係國公誌云曾封梁王當係高祖推恩外家追贈之爵也又案新唐書獨孤懷恩傳云懷恩元貞后弟也父整仕隋爲涿郡太守懷恩之幼隋文帝獻皇后以姪養宮中今考北史元貞皇后與隋文獻后本係兄弟行懷恩爲文獻后姪卽元貞后之姪矣傳云懷恩爲元貞后之弟弟字下當有脫字舊唐書本傳云懷恩元貞皇后弟之子也可證新唐書之譌

誌云夫人先舅諱大方海州刺史案崔大方之名見新唐書宰相世系表系出博陵安平崔氏第二房夫人之夫爲大方之子季梁爲大方之孫表中均未載焉 新唐書百官志文散階從六品上曰奉議郎唐時石刻皆作義不作議官吏勳級九轉爲護軍視從三品上州長史一人從五品上地理志果州屬山南西道中州也唐志中州無長史之職而高宗卽位時常改諸州別駕皆爲長史奉先之爲果州長史當在高宗時矣又百官志云中書省所屬有通事舍人十

六人從六品上 誌中育背之育當係棄字之
譌 他誌皆稱某某撰此誌獨稱子季梁修與
他誌異然新唐書百官志有史館修撰之職則
修亦撰也 又誌云十一月二日庚時案錢竹
汀先生十駕齋養新錄云一日分十二時每時
又分爲二曰初曰正是爲二十四小時而選擇
家以子初爲壬時丑初爲癸時寅初爲艮時卯
初爲甲時辰初爲乙時巳初爲巽時午初爲丙
時未初爲丁時申初爲坤時酉初爲庚時戌初
爲辛時亥初爲乾時今時憲書寅申巳亥月宜

用甲丙庚壬時卯酉子午月宜用艮巽坤乾時
辰戌丑未月宜用癸乙丁辛時是也此誌之庚
時卽酉初矣

隆闡法師碑

行書

天寶二年十二月

存

全文見金石萃編

今在西安府學碑林書法道美有懷仁聖教筆
意且完好如新鋒穎悉具實唐刻之佳者懷惲
及書四字前人聚訟紛紛不得確解姑從闕如
趙香光行書筆法實脫胎於此碑焉

石臺孝經

元宗御製序并注及八分書
天寶四載九月

存

序文及李齊古表奏元宗批答眾臣題名均見

金石萃編

今在西安府學碑林

開元寺經幢

正書
天寶七載

二月後有駱齊休重建題字

存

今在西安府城內順城坊開元寺

千福寺多寶佛塔感應碑文

岑勛撰顏真卿正書
天寶十一載四月

存

全文見金石萃編

潛研堂金石文跋尾曰魯公之書模楷百代獨此碑後人尤嗜之幾於家有一本矣康熙中碑

石斷銘詞缺佛知見法爲五字空王可托本願
同七字損歸我無空四字末行缺大夫行內侍
趙思七字

今在西安府學碑林書法端整無一懈筆學楷
隸者從此入手可免欹仄傾斜之病與歐陽率
更九成宮皆楷法中玉律金科也

優婆姨段常省塔銘

正書
天寶十二載

未詳所在

全文見十二硯齋金石過眼錄有重摹本

內侍張元忠妻令狐氏墓誌銘

行書
天寶十二載

存

全文見古誌石華誌云殯於京兆府長安縣龍

首鄉之原

今在西安府學碑林古誌石華云此誌無書者
姓名驗其筆迹與張希古誌絕相似亦鴈門田
穎書也今案田穎之書肉勝於骨頗以肥勝而
此誌筆力薄弱點畫細瘦不類田穎書豈原石
爲人攜去此乃翻刻一石耶不可考矣

武部常選韋瓊墓誌銘

范朝撰正書
天寶十四載五月

存

全文見古誌石華續編

誌畧云君諱瓊字瓊京兆杜陵人也曾祖九整
皇中大夫使持節曹州刺史上柱國祖緄皇益

州成都縣令父景皇廣平肥鄉縣令君以天寶
四載十二月十九日終於濛陽郡九隴縣之私
第春秋卅有六以十四載五月十三日卜葬於
長安縣永壽鄉畢原耐先塋禮也元子署云云
此石今藏渭南趙乾生詹事

元中

家新唐書宰

相世系表逍遙公房有名元整者官曹州刺史
卽瓊之曾祖惟表中僅載元整之名元整以下
均未載得此誌可補其闕新唐書選舉志凡選
有文武文選吏部主之武選兵部主之潘智昭
墓誌題爲吏部常選此誌題爲武部常選蓋當

時常選可以入銜矣武部卽兵部天寶十一載
改兵部曰武部廣文館屬國子監天寶九載置
廣文館有知進士助教後罷知進士之名均見
新唐書百官志杜少陵贈鄭虔詩廣文先生官
獨冷蓋指太學學官而言今則郡縣學官皆以
廣文稱之失其本矣撰文之范朝見唐詩國秀
集中亦開寶間能詩文者此誌書法挺秀唐時
佳刻也 又百官志云上州刺史一人從三品
職同牧尹中州刺史一人下州刺史一人均正
四品下地理志曹州上州也

沙彌尼清真塔銘

沙門季良撰正書
無年月

存

全文見金石萃編補遺

誌畧云勤策尼者扶風馬公左武衛中候順之
季女大招福寺郊法師之猶子子也仁賢溫克
尤重釋門父母違而嫁之遂適隴西李氏後染
羸疾捨俗從道契宿願也餘不可考蓋此石僅
存其半耳尼本俗人已適夫家其卒也從浮屠
之葬法唐人佞佛往往如是不足異也

此石今藏渭南趙乾生詹事

元中

家

新唐書

百官志左右武衛左右中候各三人正七品下

心經

肚痛帖

千文斷碑

均張旭草書
無年月

存

肚痛帖釋文見金石萃編補遺

右三石均在西安府學碑林

關中金石文字存逸考卷一